



# THESEM MEDICAM SUB HAC VERBORUM SERIE

*Aër carbone lapideo fumosus Appoplexia obnoxiis convenit.*

AVSPICIIS 6.

PER ILLVSTRIS ET REVERENDISSIMI DOMINI


D. JOSEPHI FRANCISCI DE GENET

Ecclesiæ Cathedralis Vasionensis Archidiaconi,  
Vniversitaris Avenionensis Primicerii,  
Rectoris, Iudicis, & Privilegiorum Conservatoris.

Præside Nob. Viro D. D. ALEXANDRO DE SERREPVY Professore  
Primario & Botanico.

Deo Duce & Auspice Dei Patrà tueri conabitur Nob. D. NICOLAUS FORAY Sanstephanensis apud Segusianos  
Diocesis Lugdunensis, Artium Liberalium Magister, & jamdudum Medicinæ Studiosus.

## PRO BACCALAVREATU



**Q**UISQUE suos patitur manes, omnesque inter angustias morborum vitam infelicem traducere cogimur: inter morbos magis communes magisque periculosos, qui hominibus certo quodam temperamento præditis, subitanam & improvissam mortem quotidie minantur. Primas tenet appoplexia, quæ est somnus profundissimus cum subitanæ privatione sensûs & motûs voluntarij aut saltem insigni imminutione, manente respiratione acutâ tamen & difficili, cum membrorum resolutione.

*quisque  
mors  
patitur.*

II.

**A**ppoplexia alia causam antecedentem agnoscit sanguinem crassum & viscidum, alia oritur à sanguinis copiâ, alia ab eodem rarefacto & regurgitante propter iram aut violentum aliud animi pathematum, vasâ distendente, tubos spirituum excretorios, nervosque comprimente; Nos verò hic solum agemus de appoplexiâ quæ excitatur à sanguine crasso & viscido qui propter motus sui lentorem & consistentiæ visciditatem paucos spiritus ad functiones animales ritè rectèque obeundas cerebro suppeditat, & propter diuturniorem in cerebro moram & stagnationem cerebrum ipsum obruit serositates remittit, nervorum originem comprimit, ideoque spiritibus aditum denegat, ob illam supradictam serositatem, nervorum tonus laxatur concidunt glandulæ, totum cerebrum flaccescit; canaliculi glandularum excretorii compressi spiritus philtrari non sinunt: Præterea in casu de quo loquimur materia spirituum crassior & viscidior est quàm in statu naturali, nec illâ dispositione ad spiritus efformandos requisitâ pollet; ideo arteriarum exiles canaliculos & glandularum meatus subire non poterit, sic sequenti viam occludet, unde alia stagnatio sanguinis, serositatum nova extravasatio unde tot horrenda symptomata.


*Appoplexia.*

III.

**C**arbo lapideus ex subterraneis fodinis quibusdam in Provinciis Angliæ & Galliæ ut in Segusiano apud Sanstephanenses extrahitur; hic carbo multo sale acido volatili sulphure, aquâ & terrâ constat in cujus cineres si immittas tum alcalinos tum acidos liquores nullus motus excitabitur propter exhalationem omnium ferè salium fumus hujus carbonis aërem ideo crassum efficit (quia in Sanstephanensium oppido ad omnes tum coquinas, tum fornacium usus reponitur) ut nubes fumosa supra hanc urbem nigricantem semper volitare appareat: quod aërem istum fumosum salis volatilis causa asthematicis multis non parùm proficere observaverimus humores crassos & viscidos qui bronchias pulmonum infarciunt dividendo, divellendo ipsorumque evacuationem promovendo, eventum judicamus quod in illis qui appoplexiæ obnoxij sunt ob viscidam sanguinis diathesim aër iste per pulmones in sanguinem intromissus volatilitate partium suarum motum humoribus addet, pituitam crassam dividet & attenuabit crassos sulphurum floccos semovebit & divellet: sic spirituum quantitatem adaugebit motum sanguinis accelerabit: & ideo prohibebitur humorum stagnatio, serositatumque extillatio in cerebro, quia illæ cum aliis massæ sanguineæ moleculis miscebuntur & perfectè convolvuntur sic materia spirituum bene disposita insufficienti quantitate suppeditabitur, unde copioso eorum influxu nec flaccescent nec subsident cerebri compages nec nervi naturalem tensionem amittent, sed omnia tum fluida, tum solida tono suo requisito pollebunt, ergo jure concludo.

*carbo  
Lapidus.*

*Aërem carbone lapideo fumosum Appoplexia obnoxiis convenire.*



*Agitabuntur in Aula Universitatis Die Martii 1712 hora 2<sup>a</sup> post meridiem.*